

Osterøy kommune
Postboks 1
5293 Lonevåg

HØYRINGSSVAR TIL FORSKRIFT OM MINSTEAREAL FOR HJORT

Som grunneigar av gnr./bnr. 52/6 (adressene Mjelddalen 114 og 126) har eg tilbakemeldingar på skader og plager frå hjort. Generelt har omfanget av ulemper auka ved at hjorten har blitt meir nærgåande og opptrer i auka antal på eigendommen, som består av teiger i midtre/øvre del av Mjelddalen og ved krysset mot Lonevåg/Haus/Kvisti. Me erfarer fleire typar skader og plager frå hjort:

Flått: Det er blitt svært mykje flått på eigedommen og den er over alt der hjorten går. Hjorten har etablert tråkk forbi husa og gjennom hagen. Flåttplaga aukar stadig og ein får no flått berre ved å være i hagen like utanfor huset. Dette er både utriveleg og eit potensielt helseproblem.

Beiting på gras: Hjorten beitar ned graset som vert dyrka for hausting til husdyr. Det er ikkje samsvar mellom fôrproduksjonen og potensialet for dette (som er svært godt i området). Det er heller ikkje samsvar mellom uttak av hjort sett i forhold til omfanget av skader frå beiting.

Skader på skog: Hjorten ét av barken på trær slik at dei døyr. Dette gjeld særleg ask, som har høg brennverdi og kunne blitt god ved. Skogplanting er umogeleg då hjorten øydelegg plantene.

Skader på hage: Frukttre blir heilt øydelagt av hjort. Fleire typar hageplanter og busker, inkludert roser blir skada og øydelagt. Vekster i kjøkkenhage og åker som ikkje er gjerda inn blir skada ved beiting eller tråkking.

Ekskrementer: Ekskrementer finn ein stadig nær huset og i hagen. Brønnar må skjermast mot hjort for å unngå forureining av vatnet.

Trafikk: Hjorten er blitt mindre redd enn før og det blir ofte observert hjort på hovudvegen. Det er også observert nestenulykker der hjort spring over vegen foran kjøretøy.

Støy: Nærgåande hjort som brøler om natta er blitt meir vanleg.

Andre skader: Nedrivne steinar frå steingardar og øydelagde gjerder er døme på dette.

Antal hjort i dette området må reduserast *vesentleg* slik at ulempene blir redusert.

Helsingar

Odd Johan Berland
Grunneigar